



## ORDENANZA NÚM.: 13

### ORDENANZA FISCAL REGULADORA DA TAXA POLA PRESTACIÓN DO SERVIZO DE TRASLADO, TRATAMENTO E ELIMINACIÓN DOS RESIDUOS SÓLIDOS URBÁNS.

#### **Artigo 1.- CONCEPTO E FEITO IMPOÑIBLE.**

De conformidade co preceptuado no artigo 20.4 da Lei 39/88, de 28 de decembro reguladora das Facendas Locais, e no artigo 4.3 da Lei 10/1998, de 21 de abril, de Residuos, establece a **Taxa polo tratamento, transporte e eliminación dos Residuos Sólidos Urbáns xerados polo servizo de Recollida Domiciliaria do lixo**. Tal e como establece a Lei 10/1998, de Residuos, enténdese por Residuo Urbano os xerados nos domicilios particulares, comercios, oficinas e servizos, asemade todos aqueles que non teñan a calificación de perigosos e que pola súa natureza ou composición poidan asimilarse aos producidos nos anteriores lugares ou actividades.

#### **Artigo 2º.- SUXEITOS PASIVOS.**

1. Son Suxeitos Pasivos da taxa, en concepto de contribuíntes, as persoas físicas e xurídicas así como as entidades a que se refire o artigo 33 da Lei Xeral Tributaria que resulten beneficiadas ou afectadas polo servizo.

2. Terán a condición de substitutos do contribuínte os propietarios dos inmobles afectados, os cales poderán repercutir, no seu caso, as cotas satisfeitas sobre os respectivos beneficiarios.

#### **Artigo 3º .- DEVENGO.**

1. A Taxa devengarase cando se inicie a prestación do servizo prorrateándose por trimestres naturais, incluíndose ao contribuínte no Padrón correspondente.

2. Unha vez incluído no padrón correspondente o devengo producirase o un de xaneiro de cada ano, e o período impositivo comprenderá o ano natural, salvo no caso de cese da prestación do servizo, en cuxo caso o importe da cota prorratearase por trimestres naturais.

#### **Artigo 4.- COTA TRIBUTARIA.**

1. A cota desta taxa será a que figura no anexo desta Ordenanza.

2. No caso de locais de uso distinto á vivenda que se atopen pechados e sen utilización, aplicaráselle a cota mínima de dispoñibilidade do servizo de importe igual á tarifa de vivenda.

3. No caso de que unha sociedade ou persoa física realice varias actividades nun mesmo local, aplicaráselle unha soa cota das sinaladas no Cadro de Tarifas. Procederá a aplicación daquela que resulta de maior importe entre as de aplicación ás actividades desenvolvidas.

#### **Artigo 5.-NORMAS DE XESTIÓN.**

1. A inclusión no correspondente Padrón poderase realizar por calquera das seguintes circunstancias: a instancia do suxeito pasivo, por alta no servizo de Recollida Domiciliaria do lixo, pola obtención de Cédula de Habitabilidade ou calquera outro documento administrativo que confirme a habitabilidade do inmovible suxeito.

2. Para o caso de transmisións dos inmobles suxeitos a presente taxa e incorporados no Padrón, deberán ser declarados polos suxeitos pasivos implicados, no prazo dun mes, dende a data da transmisión, e terán efectos a partir do período impositivo seguinte.

3.- As infraccións ao establecido, calificaranse e sancionaranse de acordo co establecido na Lei Xeral Tributaria.

#### **Artigo 6.-EXENCIONES.**



**Concello de  
SOUTOMAIOR  
PONTEVEDRA**

Os xubilados, pensionistas e demais persoas que non convivan a expensas doutro gozarán da exención desta taxa cando os ingresos da unidade familiar por todos os conceptos sexan inferiores ao salario mínimo interprofesional.

Esta exención será concedida polo Concello a petición do interesado, acompañado dos seguintes documentos:

- D.N.I.
- Certificados de ingresos de todos os membros da unidade familiar (fotocopia compulsada da declaración de Renda, nómina, certificados de pensións, etc.).
- Informe de convivencia.
- Demais documentación que sexa requirida para o informe social.

Todos os expediente de exencións serán tramitados polo Departamento de Servizos Sociais e resolto pola Comisión de Goberno. No caso de que a resolución sexa favorable, o interesado queda excluído do pago da taxa da recollida do lixo durante o exercicio económico no que cursa a solicitude, podendo ser prorrogada dita exención en vindeiros anos, se a situación económica familiar non trocara o que deberá acreditar o interesado documentalmente mediante declaración xurada.

#### **DISPOSICIÓN TRANSITORIA.**

Por tratarse dun servizo que se presta por primeira vez e estar directamente relacionado co servizo de Recollida Domiciliaria do Lixo formarase o primeiro Padrón da Taxa cos datos do último padrón aprobado da Taxa polo Servizo de Recollida Domiciliaria do Lixo e o devengo da mesma producirase no momento do inicio do servizo ou aprobación definitiva da presente ordenanza si ésta se producise posteriormente o inicio da prestación do servizo.

#### **DISPOSICIÓN FINAL.**

A presente Ordenanza Fiscal, foi inicialmente aprobada polo Excmo. Concello de Soutomaior na súa sesión de 30 de Outubro de 2003 e entrará en vigor una vez publicada definitivamente segundo o establecido na Lei 39/1988, de 28 de decembro, reguladora das Facendas Locais, e permanecerá vixente mestres non se acorde a súa modificación ou derogación.

#### **CADRO DE TARIFAS**

|    |  |              |
|----|--|--------------|
| a) | Vivendas de carácter familiar .....  | 35,09 Euros  |
| b) | Supermercados de ata 200 m <sup>2</sup> .....  | 113,24 Euros |
|    | Supermercados de máis de 200 m <sup>2</sup> .....  | 169,77 Euros |
| c) | Restaurantes de ata 100 m <sup>2</sup> .....   | 133,54 Euros |
|    | Restaurantes de 101 a 250 m <sup>2</sup> .....   | 182,69 Euros |
|    | Restaurantes, de máis de 251 m <sup>2</sup> .....  | 274,10 Euros |
| d) | Naves e almacéns.....  | 119,70 Euros |
| e) | Cafetarías, bares, farmacias, droguerías, ferraxerías, librarías, froitarías,<br>tendas de venda de mobles, e establecementos de carácter familiar ..... | 113,74 Euros |
| f) | Pequenos comercios (Reloxarías, salóns de peiteado, carpintarías, despachos pro-<br>fesionais, videoclubes e semellantes).....                           | 50,18 Euros  |
| g) | Entidades Bancarias .....  | 119,70 Euros |
| h) | Hoteis, hostais e similares por cada habitación .....  | 2,75 Euros   |



**Concello de**  
**SOUTOMAIOR**  
PONTEVEDRA

|   |              |
|---|--------------|
| Cota mínima para este suposto.....                                      | 119,70 Euros |
| i) Pensións, casas de turismo rural e similares ata 5 habitacións ..... | 60,00 Euros  |

**Aprobación definitiva** 30 de Outubro de 2003  
PUBLICACION NO B.O.P.núm. 247 do 23 de decembro de 2003.

**Modificacións:**

- no B.O.P. núm. 245 do 22 de decembro de 2004, aprobada polo Pleno o 14 de Outubro de 2004.
- no B.O.P. núm. 235 do 9 de decembro de 2005, aprobada polo Pleno o 29 de Setembro de 2005.
- no B.O.P. núm. 244 do 22 de decembro de 2006, aprobada polo Pleno o 2 de Novembro de 2006.
- no B.O.P. núm. 249 do 28 de decembro de 2007, aprobada polo Pleno o 9 de Novembro de 2007.
- no B.O.P. núm. 250 do 29 de decembro de 2008, aprobado polo Pleno o 7 de Novembro de 2008.
- no B.O.P. núm. 227 de 25 de novembro de 2011, aprobado polo Pleno de 29 de setembro de 2011.
- no B.O.P. núm. 248 de 28 de decembro de 2012, aprobado polo Pleno de 7 de decembro de 2012.